

續脩縣志序

古史編年朝有柱下野有碑  
官國之史縣之誌其理一也  
凡疆域延袤河山鎮瀆戶口  
多寡貢賦重輕文事武備倉  
庫儲蓄賢哲出處忠孝廉節

序

風俗燾慝著書工拙展卷了  
然在通都大郡紀載固詳卽  
僻壤下邑文獻攸存胡可偏  
廢焉我

大清入關定鼎肇造方夏約法  
簡易首除煩苛盡裁橫徵蠲

荒賑災不一而足芟削諸醜  
措海宇於衽席今有士者以  
撫綏鴻鴈爲先鯁鯁闔門務  
期得人共勲雍熙至治功業  
不止馬上六載來德威竝著  
其開創規模文物車書恩澤

序

二

旁溢在珥管自不勝書雖彈  
丸黑子之區罔不沾其汪濊  
烏得不亟爲闡揚杰不敏

簡命茲土深以吏治弗光爲懼  
閒覽舊誌憑吊漢唐名人之  
故趾慨慕今古守土之循良

清朝能已於且尺行高山微惜其名畧而中多魚魯繙閱典籍詳前令

成臺張公甫工脩縣志藁雖脫一朝工未報竣余瞿然曰修廢元墜有司之事何忍其湮沒

序

三

嗣延博古諸儒分局校讐言援  
皆證今余董其事况一代之  
順代之事一代自有一代之  
文不必偏諱亟繕

公前志仍喜元其局後續明  
告終

嘉啓運其鼎苦干損益官師姓  
大災祥政治有古蹟前志未  
得者無妨檢入另書後冊以  
鹽

而信史備異日輶軒採擇在  
舉亦有人民社稷雖重壽剗

序

四

乃知幸免不急之謂也夫

昔

一治六年歲次己丑暮春吉日

史林郎知元氏縣事三韓祖永杰謹撰

張

季



已丑脩志姓氏

知縣三韓纘武父祖永杰續脩

拔貢文羽父智鳳翁纂祭輯

廩膳生員思如父高 愚參考

王 端監脩

禮書

張堯文書

五

邯鄲縣梓人

裴高樓 裴高閣

賈守宗

裴文燧

賈進孝

俞

元氏縣續志目錄

山川 城池

橋渡 祠祀

廟貌 壇壝

田賦戶口 公署

武備 馬政

官師 制科

超貢 歲貢

恩貢 貢監

續志目錄

教習監生 人物

貞烈 叢志

育材 詩文

元氏縣續志

世界聿新物華非舊人心反古風俗攸異致治之道不專尚因行政之人無循常格前志已成八九頂補未免割裂續志所由作也是故復開款段詳註事實或拾前遺或述今實無漏無疑焉竊追其卜年既久卜世既長合叅重訂彙集全錄則今日視前日爲續後日又以今日爲宗續之云者豈僅僅續貂云乎哉邑人智鳳翥識

山川

夫山靜物也何闕焉或古界限參差岐於兩地故有遺川動物也遷徙不常伏流多變故無定今悉志之所以備攷也

中牟山在縣西十里南白婁村西一里

出碑山在縣西十里中牟山東其石堅潤可作碑故名

南朝山在縣西南十五里車汪溝北一里

萬花山在縣西十五里郭壁村西南二里萬曆初年土人山腰南向建三教堂三官廟各三楹北向

建龍王堂西向建藥王廟子孫娘娘廟東向建土地祠各一間有道士種桃杏蒲山經春爛熳故名道士羽化花隨枯稿樵者取薪焉遂成童山令人有今昔之感邑人智鳳翥詩以志慨順治五年曹道姑東向築臺建三大士閣金壁輝煌巍然巨觀竝前堂廟重修山靈從此增新矣

泝水崇禎十二年上流涸僅存紙屯村前一灣順治四年四月中旬麻冠道人過而祝焉無雨泉出復成長溪五年六月霖雨二十五日山泉噴湧水

續志

卷七

深且廣紙屯村前泓流如墨多魚六年春知縣祖永杰政事之暇往觀焉縣丞陳起龍典史劉宗訓導蘓就大具餉釀從之贊皇縣知縣祖龍公出道經此亦與焉贊皇名士胡藥嬰邑懶仙智鳳翥貢士高直偶偕至嘯咏河頭懽洽魚水殆不減晉人蘭亭之會坡公赤壁之遊云

### 城池

衛內捍外說詳而盡更端云者紀功也外史氏曰有功不書後世何述焉茲并志城池

城上更舖原修瓦舖一十六間添修土舖一百八十一間僅能停歇城兵暫蔽風雨遇變紳衿守城無止宿處順治六年春知縣祖永杰添修瓦舖四十八間門外向窻南向紳衿不至露寢太平可作書舍

城外女牆順治五年陰雨連綿倒塌既盡六年春知縣祖永杰週圍復築牆一千餘堵高六尺許近門處各添設柵欄以禁止往來

三門吊橋久廢順治六年春知縣祖永杰各添設吊橋一座

城上魁星樓年久風雨侵壞順治五年秋知縣祖永杰往祭憫其不可登拜矢志重脩捐俸五十金化紳衿助貲改規制欲如文昌閣取其堅固可多歷年所因是歲九梁星占廟不敢輕動六年夏興工陰陽官呂進有監督序文載後

池岸陰雨崩頽幾塞順治六年春知縣祖永杰濬築如初

三關頭舊設柵欄壞順治四年冬知縣宮廷珍咨

建門房一座以倣古人重關設險之意  
三門石橋柵欄壞順治六年春知縣祖永杰復議  
柵欄堅固倍昔

### 橋渡

渡口津梁往來利賴王政之一端也因革損益各有其時便官便民兩存其美言之不足而再言之非複也一以錄功一以載德

北岩渡口板橋二十五空久廢順治五年春知縣祖永杰屢查荒詢橋事顛末慨然捐俸十金令

北岩村暨黎村各捐貲募工重造板橋四十三空  
十月初一日搭蓋四月初一日收藏俱責兩村專  
任其勞諸凡牛驢車夫公役乾柴葦草公費一概  
永免補缺脩廢仍專勅兩村有記載後

### 祠祀

崇功報德建祠以奉

朝廷之所必舉閭閻之所不容已也况

新朝鼎興循良懋著英英特出如鶴立鷄群者乎志  
之以表卓異祖公諱永杰仁愛甚得民心輸金建

祠三間於小教場南向有序載後

廟貌

銀宮玉宇傳自海山祝史典祀載在方策天子重之庶人信之所以祈福澤而酬靈應也脩廢葺新缺畧盖烏乎可

城隍廟年久仰窺星日風雨飄搖崇禎十年知縣閣嗣科捐俸重修脊獸磚瓦已成入覲督部不及動工遂成缺典順治四年知縣宮廷珍復捐俸重修前功告竣即調臨武未暇豎碑俱有序文載

後

文廟正統四年重修工浩費繁百餘年無復脩舉幾至傾圮順治三年知縣王道興捐俸五十兩倡紳衿商民輸金重修煥然一新有碑立殿前記文載後

關帝廟在南門外倚城南向崇禎十一年兵變恐憑以攻城拆毀十四年井陘兵備道楊本鍼捐金三十議脩尋陞任不果寄金於庫十五年春知縣董有聲因前金復捐俸十兩仝鄉官智鋌商人楊遇

春倡衆輸金善人劉簡李九人持緣募化督工監  
脩請術士郭凌雲擇地關外路北南向創建大殿  
三間川廊三間寢宮三間西廊房五間大門三間  
僧房一所規模宏敞十倍於昔廟東園四畝三分  
五厘五毫鄉官智鋌施序文載後

藥王廟舊在西門外石橋西街北南向卑隘順治  
四年春知縣宮廷珍因太夫人抱恙禱藥靈應捐  
俸買王董氏庄窠地一畝建殿三間大門三間殿  
後蓋道院三間兩耳房四間令道士住持焚修序

文載後

八都神廟在朝元觀右出處未詳有漢光和六年  
石碑二尖頂空頂殊非近世規製碑文載後

玉皇殿在封龍山修真觀北南向年久敞壞順治  
四年知縣宮廷珍捐俸五兩令善人周名遠王選  
化衆重修名遠復自添抱厦三間

五嶽四瀆廟在北岩村北路東高臺南向嘉靖初  
年創建殿三間大門三間隆慶萬曆崇禎屢修復  
建後閣三間戲樓一間石墻一圍順治四年春知

縣宮廷珍勸農謁廟見像作福捐俸五兩生員智  
瑜侯晉同鄉人出貲重脩築臺創建戲樓三間規  
模視昔迥異

### 壇壝

無雲壇在溝壁村北里許舊有龍王廟一間遇旱  
有禱即雨一方豐稔武邑武強多滂請仙降箕大  
書元氏縣西一壇名無雲利於彼不利於此密來  
探訪不異仙言遂乘夜毀其廟去今石香亭斷碑  
尚在文字破壞難讀有天道亢旱久祈不應知縣

張禱於無雲壇歸未進城甘雨如澍及即古舞雩  
壇也然不可考之句存之以備土人所禱勿使沒其  
遺址

### 田賦戶口

土滿則不足以資民生人滿則不足以治田產戶  
口之多寡關係誠非淺鮮自唐虞三代漢魏晉隋  
唐宋元明以來遞有治亂遞有增減未嘗膠柱鼓  
瑟拘方而理也牧斯民者一披閱而加意焉斯民  
其厚幸矣乎故田賦戶口連類而紀謂其盛則雙

羨衰則兩傷勿有互相成敗之道也

原徵糧地一千三百七十一頃九十七畝二分七厘

拋荒地一百五十五頃六十二畝二分

實在熟地一千二百一十六頃三十五畝七厘

徵銀二萬三千一百三兩一錢一分九厘一毫八絲九忽未除荒

順治五年

恩詔云派徵錢糧照萬曆年間則例其天啓崇禎年

續志

卷七

加增盡行蠲免通行已久又云我

朝定鼎以來

恩詔有免荒地有免水旱災傷又云地方災傷

察勘即與蠲免有司官勿得仍行派徵及冒免有

力之家致窮民不霑實惠又云各處無主荒地該

地方官察明呈報撫按并加察勘果無虛捏即與

題免錢糧其地仍招民開墾煙燹

王言炳若日星我元荒地如許俱係無主派徵未除

收糧之日掘木尋根累及同姓之人株連蔓草

及同里同甲之人撲風捉影累及任糧種地之人  
與夫遠年買地之人層層剝削苦不堪言知縣祖  
永杰屢爲呈報懇申豁免會本府經費新書成派  
徵謹遵

詔旨照萬曆則例荒地若干照行差應免銀二千二  
百七十六兩六錢六分五厘四毫四絲徵糧銀若  
干除免荒銀若干外實徵銀二萬八百二十六兩  
四錢五分三厘七毫四絲九忽荒地俟開墾後起  
科徵銀如百姓無力開懇永免無累

子粒地自萬曆二十二年起至崇禎十六年止節  
年開墾額外荒田地共五十八頃三十九畝四分  
每畝初徵銀一分後增至二分順治五年知縣祖  
永杰因久荒屢疏清察令智國成等頂智田等名  
上告具文三申按臺准除河塌水衝不堪承種  
地一十頃三十三畝二分六厘二毫止存熟地四  
十八頃六畝一分三厘八毫每年每畝仍徵銀一  
分窮民不至逋負受福無量  
崇禎時戶三千五百七十五口五萬四千九百九

順治五年年額糧三千四百五十九減一百一十六口二萬四千六百七十六減二萬二百三十三催頭按甲僉派原係冗役舊裁革崇禎十三年糧納不前復用里長社書乘爲利藪闔邑搔動十五年知縣董有聲申文力革順治二年知縣王吉士三年知縣王道興俱從革大戶按丁糧僉派崇禎十三四年糧拖欠不完賠累無了期十五年知縣董有聲申文力革令書役代收至今未復民困乃甦

田賦至明季濫觴極矣戶口至明季凋耗極矣鼎興以來

朝廷加意寬免加意栽培有司盡心清楚盡心撫恤故濫觴豁除殆盡凋耗生意漸回將見仁政行而民富民殷實而息繁豐亨豫大熙穰休嘉逢之數年可立奏矣誰云民病難醫哉然一貼清涼散守土者請問之總書

公署

恩補堂三閏年久視爲傳舍將撤順治五年六月

雨頽壞六年春知縣祖永杰重修

縣丞衙在縣堂東堂三間書後房東西各三間堂後宅正房三間東西廂房各三間書房三間在堂左舊志未載今補之

### 武備

國家雖安忘戰必危惟聖人內寧然後無外憂有文事者必有武備所從來久矣先王蒐苗獮狩四時通舉誠重之也况本

朝以神武得天下南征西討日無寧晷內地盜賊竊發時窺城邑可置勿講哉故再志武備

守城事宜前令張慎學備悉無遺順治五年奉

旨嚴禁器械鎗刀弓箭之類盡行收解益生盜心六

年春知縣祖永杰添修舖房四十八間每垛門丁

一名各執大槓一根火把一束懸燈籠一箇木石

灰瓶大炮火藥俱全旗幟各按方位每二十垛一

生員巡察三門真武舖各設一官監守在城鄉紳

副夜宿城頭風雨不懈柳鈴聲振數里城內三五

日一挨查不許停緝外來一人以防奸細城下三